

सानखान्थिआव महरफोर



0674CH01

1.1 सानखान्थिया मा ?

सानखान्थिया, गुवार बाहागोआव, महरफोरनि नागिरनाय, आरो बैफोर महरफोरा मानो दं बेनि बेखेवथिनि थाखाय ।

बेबादि महरफोरा थारैनो जौनि सोरगिदिं दं - मिथिंगायाव, जौनि न'फोर आरो फरायसालिफोराव, आरो सान, अखाफोर आरो हाथरखिफोरनि खारथायाव । बेफोरो जौ खालामनाय आरो नुनाय गासैयावबो जायो, शपिं आरो संनाय-खावनायनिफ्राय लानानै बल खुबैनाय आरो गेलेमु गेलेनायसिम, बोथोरनि रोखोमखौ बुजिनाय आरो बिरोंदामिन बाहायनायसिम ।

महरफोरनि नागिरनाय आरो बेफोरनि बेखेवथिया मोनसे रंजाथाव आरो सोरजिलु नाजानाय जानो हागौ । बे जाहोननि थाखायनो सानखान्थिगिरिफोरा सानखान्थिखौ मोनसे आरिमु आरो बिगियान महरै सानो । बे बोसोराव, जौ मिजिं थिदों दि नों सानखान्थियारि महरफोरखौ नागिरना दिहुननाय आरो बुजिनायाव लोब्बा थानाय सोरजिलु आरो आरिमुआरिखौ नायनो मोनसे खाबु मोनगोन ।

बे बाथ्राखौ गोसोआव लाखिनाया गोनांदि सानखान्थिनि थांखिया खालि मा महरफोर दं बेखौल' नागिरना दिहुननायल' नडा, नाथाय बेफोर मानो दं बेनि खेंफोरथिखौबो नागिरनाय । बेफोर बायदि खेंफोरथिफोरखौ गोबां समावनो बाहायनायफोराव बै आयदानि बायजोआव बाहायनो हायो जेराव बिसोरखौ नागिरना दिहुननाय जादोंमोन, जाय उनाव दावगालांनायाव मदद होनो हागौ । सुबुं माहारिआ सिगांथिं ।

बिदिन्धि बायदियै, हाथरखिफोर, ग्रहफोर आरो बिसोरनि ग्रहसाफोरनि खारथायाव महरफोरनि बुजिनाया सुबुं माहारिखौ गुरुत्वाकर्षणनि बुंफुरलुखौ जौगाहोनो थाखाय थुलुंगा होदोंमोन, जायजों जोंखौ गावनि ग्रहसाफोरखौ हगारनो आरो अखाफोर आरो मंगल ग्रहआव रकेटफोर दैथायहरनो गनायथि होदोंमोन। बेबायदिनो, जिनमनि रोखोमफोरखौ बुजिनाया बेरामफोरखौ सिनायनो आरो फाहामनो हेफाजाब होदों - रोजा रोजा गुबुन बिदिन्धिफोरनि गेजेराव।

☀ बेखौ दिहुन

1. नों गुबुन बिदिन्धिफोरनि बादै साननो हागोन नामा जेराव सानखान्धिया जोंनि सानफ्रोमबोनि जिउआव मदद होयो?
2. सानखान्धिया माबोरै सुबुं माहारिखौ सिगांथिं दावगाहोनायाव मदद होदों? (नों बिदिन्धिफोरनि बादै साननो हागौ: बिगियानारि आनजाद नायनाय; जोंनि रांखान्धि आरो सुबुं खुंथायखौ सालायनाय; दालां, न' एबा गुबुन गोब्राब दाथायफोर लुनाय; टीवी, मबाइल फन, कम्पिउटार, साइकेल, ट्रेन, कार, बिरखं, केलेन्डार, घड़ी बायदि बानायनाय)

सानखान्धि
रायज्जायनाय

1.2 अनजिमाफोराव महरफोर

सानखान्धियाव जानाय बयनिखुइबो गुदि महरफोरनि गेजेराव अनजिमानि महरफोर, गुबैयै गासै अनजिमानि महरफोर दं:

0, 1, 2, 3, 4, ...

सानखान्धिनि जाय बाहागोआ गासै अनजिमायाव महरफोरखौ बिजिरो, बेखौ अनजिमा बुंफुरलु बुंनाय जायो।

अनजिमानि फारिफोर सानखान्धिगिरिफोरा फरायनाय बयनिखुइबो गुदि आरो बयनिखुइबो गोसो बोनो हानाय रोखोमनिमहरफोरनि गेजेराव मोनसे।

फारिलाय 1 आ माखासे गाहाय अनजिमा फारिफोरखौ दिन्धिदों जायखौ सानखान्धियाव फरायनाय जायो।

फारिलाइ 1: अनजिमा फारिफोरनि बिदिन्धिफोर

1, 1, 1, 1, 1, 1, ...	(गासैबो 1 नि)
1, 2, 3, 4, 5, 6, 7, ...	(अनजिमा साननाय)
1, 3, 5, 7, 9, 11, 13, ...	(गोरोबै अनजिमाफोर)
2, 4, 6, 8, 10, 12, 14, ...	(गोरोबनाय अनजिमाफोरबो)
1, 3, 6, 10, 15, 21, 28, ...	(थामख'आरि अनजिमाफोर)
1, 4, 9, 16, 25, 36, 49, ...	(बर्गफोर)
1, 8, 27, 64, 125, 216, ...	(किउबफोर)
1, 2, 3, 5, 8, 13, 21, ...	(बिराहानखा अनजिमाफोर)
1, 2, 4, 8, 16, 32, 64, ...	(2 नि गोहोफोर)
1, 3, 9, 27, 81, 243, 729, ...	(3 नि गोहोफोर)

बेखौ दिहुन

- नों मोनफ्रोमबो फारिफोरनि महरखौ फारिलाइ 1 आव सिनायनो हागोन नामा ?
- मोनफ्रोमबो फारियाव उननि मोनथाम अनजिमाजों लोगोसे नोंनि नटबुकाव मावफारि 1 नि मोनफ्रोमबो फारिखौ लिरफिन । मोनफ्रोम फारि फारिनि उनाव, नोंनि गावनि सोदोबफोराव लिर दि फारियाव अनजिमाफोरखौ दानायनि नेमा मा ।






































1.3 अनजिमानि फारिफोरखौ नुथायारि खालामनाय

गोबां अनजिमा फारिफोरखौ सावगारि बाहायनानै नुनो हायो । सावगारि एबा सावगारिफोरनि गेजेरजों सानखान्थियारि मुवाफोरखौ नुनाया सानखान्थियारि महर आरो सानदांथिफोरखौ बुजिनो थाखाय मोनसे जोबोद फिथाइगोनां राहा जानो हागौ ।

फै जों गाहायाव होनाय सावगारिफोरखौ बाहायनानै फारिलाय 1 आव गिबि मोनसि फारिफोरखौ दिन्धिनि ।

फारिलाय 2: माखासे अनजिमा फारिफोरनि सावगारि दिन्धिफुनाय

					गासैबो 1 नि
1	1	1	1	1	
					साननाय अनजिमाफोर
1	2	3	4	5	
					गोरोबै अनजिमाफोर
1	3	5	7	9	
					गोरोबनाय अनजिमाफोर
2	4	6	8	10	
					थामख'आरि अनजिमाफोर
1	3	6	10	15	
					बर्गफोर
1	4	9	16	25	
					घनक
1	8	27	64	125	

बेखौ दिहुन


1. नौनि रेबसुं बिजाब फारिलाइ 2 आव अनजिमा फारिफोरनि सावगारि दिन्थिफुनायफोरखौ कपि खालाम आरो मोनफ्रोम फारिनि थाखाय उननि सावगारि बो!
2. मानो 1, 3, 6, 10, 15, ... जायखौ थामख'नायारि अनजिमाफोर बुंनाय जायो? मानो 1, 4, 9, 16, 25, ... जायखौ बर्ग अनजिमाफोर एबा बर्गफोर बुंनाय जायो? मानो 1, 8, 27, 64, 125, ... जायखौ घनक बुंनाय जायो?



3. नौ नुबाय दि 36 आ मोनसे थाम ख'नायारि अनजिमा आरो मोनसे बर्ग अनजिमा मोनैबो! थामहिनबा, 36 बिन्दोफोरखौ मोनसे आखानथिथाम आरो मोनसे बर्ग मोनैयावबो मोजाडै साजायनो हायो। बेखौ बिदिन्थि होनानै नौनि रेबसुं बिजाबाव सावगारि बानाय!

बेयो दिन्थियो दि रोखोमसे अनजिमाखौ गुबुन रोखोमै दिन्थिनो हायो, आरो सोमोन्दोनि सायाव सोनारना गुबुन गुबुन बिफाव लायो। माखासे गुबुन अनजिमाफोरखौ गुबुन गुबुन रोखोमै सावगारि महरै दिन्थिनो नाजा!


4. गाहायाव होनाय अनजिमानि फारिखौ नौ मा बुंगोन?



बेयो थार, बिसोरखौ मोनद' खनायारि अनजिमाफोर बुंनाय जायो! बेफोरखौ नौनि रेबसुं बिजाबाव बो। फारियाव फैगौ अनजिमाया मा?

5. नौ बेनि फारिखौ नुनो थाखाय सावगारियारि लामाफोरनि बादै साननो हागोन नामा? 2 नि गोहोफोर? 3 नि गोहोफोर?

2 नि गोहोफोरनि सोमोन्दै साननायनि मोनसे जाथावना राहाखौ बेयाव होनाय जाबाय :



1.4 अनजिमा फारिफोरनि गेजेराव सोमोन्दो

माब्लाबा-माब्लाबा, अनजिमानि फारिफोरा सोमोनांथाव लामाजों गावजों गाव सोमोन्दो लाखिनो हागौ ।

बिदिन्धि: जेब्ला जों बेजरा अनजिमाफोरखौ दाजाबदेरनो जागायो अब्ला मा जायो ?

$$1 = 1$$

$$1 + 3 = 4$$

$$1 + 3 + 5 = 9$$

$$1 + 3 + 5 + 7 = 16$$

$$1 + 3 + 5 + 7 + 9 = 25$$

$$1 + 3 + 5 + 7 + 9 + 11 = 36$$

⋮

बेयो थारैनो मोनसे समायना महरफोर !

☀ बेयो मानो जायो ? नों सानो नामा बेयो अरायनि थाखाय जागोन ?

फिननाया जादों महरफोरा अरायनि थाखाय जायो । नाथाय मानो ? जेरै सिगाडाव मुंख'नाय जादों, महरफोरा मानो जायो बेनि जाहोना महरनि बायदि गोनांथार आरो गोसो गुदुं ।

मोनसे सावगारिया बेखौ ओंथि बेखेवनो हागोन


मोनसे सावगारि नुनाजों जाथायखौ बेखेवनायाव मदद होनो हागौ । गोसोखांहो दि मोनसे बर्ग ग्रिडआव बिन्दोफोरनि अनजिमाखौ सान्नानै बर्ग अनजिमाफोरखौ बानायनाय जायो ।

☀ जों माबोरै मोनसे बर्ग ग्रिडनि बिन्दोफोरखौ गोरोबै अनजिमायाव बोखावनो हायो ? बिन्दोनि अनजिमा: 1, 3, 5, 7, ... ?



आरोबाव फरायनायनि सिगां बेनि सोमोन्दै दसे समनि थाखाय सान!

बेखौ माबोरै खालामनो हायो बेखौ बेयाव होनाय जाबाय:



बे सावगारिया दायो बेखौ रोखा खालामबाय दि

$$1 + 3 + 5 + 7 + 9 + 11 = 36.$$

मानोना बेबादि सावगारिखौ जायखिजाया अरथाय बर्गनि थाखाय बानायनो हायो, बेयो बेखेवना मानो बेजरा अनजिमाफोरखौ दाजाबदेरनाया बर्ग अनजिमा होयो।

☀ रोखोमसे सावगारि आखिनानै, नों बुंनो हागोन नामा गिबि 10 बेजरा अनजिमानि दाजाबथाइया मा?

☀ दानिया रोखोमसे सावगारिखौ साननानै, एबा बेखौ नांगौ बायदि खावसे आखिनानै, नों बुंनो हागोन नामा गिबि 100 बेजरा अनजिमानि दाजाबथाइया मा?

फारिफोरनि गेजेराव बेबादि सोमोन्दोनि गुबुन मोनसे बिदिन्धि:

गोजौ आरो गाहाय दाजाबदेरनाय।

फै जों गाहायाव होनाय महरखौ नोजोर होनि:

$$1 = 1$$

$$1 + 2 + 1 = 4$$

$$1 + 2 + 3 + 2 + 1 = 9$$

$$1 + 2 + 3 + 4 + 3 + 2 + 1 = 16$$


$$1 + 2 + 3 + 4 + 5 + 4 + 3 + 2 + 1 = 25$$

$$1 + 2 + 3 + 4 + 5 + 6 + 5 + 4 + 3 + 2 + 1 = 36$$

⋮

बेबादि मोनो दि बेयो बर्ग अनजिमाफोरखौ मोननो थाखाय आरोबाव मोनसे राहा होदों - साननाय अनजिमाफोरखौ गोजौ आरो गाहायाव दाजाबदेरनानै!

☀ नों रोखोमसे सावगारियारि बेखेवथि मोन्नो हागोन नामा ?





☀ बेखौ दिहुन

1. मानो दाजाबदेरदों बेनि थाखाय नों रोखोमसे सावगारियारि बेखेवथि मोन्नो हागोन नामा ? अनजिमाफोरखौ गोजौ आरो गाहायाव साननाय, थामहिनबा $1, 1 + 2 + 1, 1 + 2 + 3 + 2 + 1, \dots$, बर्ग अनजिमाफोर होयो ?
2. नोंनि सावगारिनि मोनसे गिदिर रोखोमखौ साननानै, एबा बेखौ आखिनानै खावसेयै, गोनांथि बायदियै, नों नायनो हागोन नामा बेनि बेसेना मा जागोन ? $1 + 2 + 3 + \dots + 99 + 100 + 99 + \dots + 3 + 2 + 1$?
3. जेब्ला नों गासै 1 खौ दाजाबदेरनो जुरिजेनगोन अब्ला नों बबे फारिखौ मोनो ? फारि फारि खालाम ? जेब्ला नों गासै 1 खौ दाजाबदेरगोन अब्ला नों मा फारि मोनो ? गोजौ आरो गाहायाव फारि खालाम ?
4. जेब्ला नों साननाय अनजिमाफोरखौ दाजाबदेरनो जुरिजेनगोन अब्ला नों बबे फारिखौ मोनो ? नों मोनसे फिसा सावगारि बेखेवथि होनो हागोन नामा ?
5. जेब्ला नों फारियै थामख'नायारि अनजिमनि जराखौ दाजाबदेरगोन अब्ला मा जायो ? बेयो जादों $1 + 3, 3 + 6, 6 + 10, 10 + 15, \dots$ नों बबे फारिखौ मोनगोन ? मानो ? नों बेखौ सावगारिजों ओंथि बेखेवनो हागोन नामा ?
6. मा जायो जेब्ला नों 1 जों जागायजेन्नाय 2 नि गोहोफोरखौ दाजाबदेरनो जागायजेनो, थामहिनबा $1, 1 + 2, 1 + 2 + 4, 1 + 2 + 4 + 8, \dots$? दानिया बेफोर मोनफ्रोमबो अनजिमायाव 1 दाजाबदेर- नों मा अनजिमा मोनगोन ? बेयो मानो जायो ?



7. नों थामख'नायारि अनजिमाफोरखौ 6 जों सानजाबनानै 1 दाजाबदेरब्ला मा जायो? नों बबे फारिखौ मोनगोन? नों बेखौ सावगारिजों ओथि बेखेवनो हागोन नामा?
8. जेब्ला नों मोनद' खनायारि अनजिमाफोरखौ दाजाबदेरनो लाजेनो, थामहिनबा 1, 1 + 7, 1 + 7 + 19, 1 + 7 + 19 + 37 ला, ... ? नों बबे फारिखौ मोनगोन? नों बेखौ घनक नि सावगारि बाहायनानै बेखेवनो हागोन नामा?











9. फारिलाइ 1 आव थानाय फारिफोरनि गेजेराव आरो बेनि गेजेराव नोंनि गावनि महरफोर एबा सोमोन्दोफोरखौ नागिर। नों बेखेवनो हागोन नामा दि बेफोर मानो सावगारिजों एबा गुबुन जायो?

1.5 महरफोराव दाथायफोर






सानखान्थियाव नुजानाय गुबुन गोनं आरो गुदि दाथायफोरा महरफोरनि दाथायफोर। बेफोर महरफोरा मोनसे, मोननै, एबा मोनथाम महरफोराव (1डी, 2डी, एबा 3डी)-एबा आरोबाव बांसिन महरफोराव जानो हागौ। सानखान्थिनि जाय बाहागोआ महरफोराव दाथायरखौ बिजिरो बेखौ ज्योमेट्री बुंनाय जायो।

महरनि फारिफोर सानखान्थिगिरिफोरा फरायनाय मोनसे गोनंथार महरनि दाथाय। फारिलाइ 3 आ सानखान्थियाव फरायजानाय माखासे गाहाय महरनि फारिफोरखौ दिन्थियो।






फारिलाइ 3: महर फारिफोरनि बिदिन्धिफोर

 आखान्धियाम	 ब्रै बाहागोआरि	 पेन्टागन	 हेजाघन
 हेपथागन	 अक्टागन	 ननागन	 देखागन






जेब्लावो पलिगनफोर

 के2	 के3	 के4	 के5	 के6
--	--	--	--	--






आबुं ग्रापफोर

				
---	---	---	---	--

जं खालामनाय वर्गफोर

				
---	---	---	---	---

जं खालामनाय आखान्धियामफोर

				
---	---	---	---	---

कच स्रं पत्लेक

☀ बेखौ दिहुन

1. नों फारिलाइ 3 नि मोनफ्रोमबो फारियाव थानाय महरखौ सिनायनो हागोन नामा ?
2. नोंनि रेबसुं बिजाबनि फारिलाइ 3 आव मोनफ्रोमबो फारिखौ आखिफिनो नाजा । नों मोनफ्रोमबो फारियाव उननि महरखौ बोनो हागोन नामा ? मानो एबा मानो जाया ? मोनफ्रोमबो फारि खालामखानायनि उनाव, नोंनि सोदोबफोराव बेखेव दि मा फारियाव महरफोर दानायनि थाखाय आखुथाय एबा महर ।



1.6 अनजिमा फारिफोरजों सोमोन्दो

सरासनसा, महरनि फारिफोरा सोमोनांथाव लामाजों अनजिमा फारिफोरजों सोमोन्दो गोनां । बेफोर बायदि सोमोन्दोफोरा महरनि फारि आरो सोमोन्दोगोनां अनजिमा फारि मोनैखौबो फरायनाय आरो बुजिनायाव हेफाजाब होनो हागौ ।

बिदिन्थि: जेब्लाबो पलीग'ननि महरनि फारियाव भुजाफोरनि अनजिमाखौ 3 निफ्राय जागायजेन्नाय अनजिमाफोरजों होनाय जायो, थामहिनबा 3, 4, 5, 6, 7, 8, 9, 10, बेनिखायनो बेफोर महरफोरखौ फारियै अराय आखान्थिथाम, ब्रै बाहागोआरि (थामहिनबा, बर्ग), पेन्टागन, हेजागन, हेपथागन, अक्टाग'न, ननागन, देखागन, बायदि बायदि बुनाय जायो ।


'जेब्लाबो' सोदोबा बे सैथोथिखौ फोरमायो दि बेफोर महरफोरा समान-गोलाव रुगुंफोर आरो समान 'खनाफोर' (थामहिनबा, रुगुंफोरा रोखोमसे नुयो आरो खनाफोराबो रोखोमसे नुयो) । जों उन्नि आयदायाव खनाफोरखौ गोथौयै सावरायगोन ।

फारिलाइ 3 आव थानाय गुबुन महरनि फारिफोराबो अनजिमा फारिफोरजों समायना सोमोन्दो दं ।

☀ बेखौ दिहुन

1. जेब्लाबो पलिग'नफोर नि फारियाव मोनफ्रोमबो महरनि रुगुंफोरनि अनजिमाखौ सान । नों बबे अनजिमानि फारि मोनगोन ? जेब्लाबो पलिग'नफोर नि फारियाव मोनफ्रोमबो महरनि खनाफोरनि अनजिमाया मा ? नों रोखोमसे अनजिमा फारि मोनो नामा ? नों बेखेवनो हागोन नामा दि बेबादि मानो जायो ?
2. आबुं ग्राफफोरनि फारियाव मोनफ्रोमबो महरनि सारिफोरनि अनजिमाखौ सान । नों बबे अनजिमानि फारि मोनगोन ? नों बेखेवनो हागोन नामा मानो ?



3. मोनफ्रोम महरनि मोनबेसे फिसा बर्गफोर जथुम बर्गफोरनि फारि? बबे अनजिमानि फारि? बेयो होयो नामा? नों बेखेवनो हागोन नामा मानो?
4. मोनफ्रोम महरनि मोनबेसे फिसा थामख'नायारि दं? जथुमनि फारि? बबे अनजिमानि फारि? बेयो होयो नामा? नों बेखेवनो हागोन नामा मानो? (सुबुरुन: मोनफ्रोमबो महराव फारि, मोनफ्रोमबो सारियाव मोनबेसे आखान्धितामफोर दं?)
5. क'च स्रफ्लेक फारियाव मोनसे महरनिफ्राय उननि महरसिम सौहैनो थाखाय, सासेया मोनफ्रोमबो सिन खोन्दोफोर '-' खौ मोनसे 'स्पिड बाम्प' जों सोलायो।  . जेरै-जेरै सासेया बेखौ बांसिननिफ्राय बांसिन खालामो, सोलायनाया जोबोद फिसा सिन खोन्दोफोरजों फिसा आरो फिसासिन जायो। क'च स्रफ्लेकनि मोनफ्रोम महरआव मोनबेसे गासै सिन खोन्दोफोर दं? सोमोन्दो गोनां अनजिमा फारि? (फिन्नाया जादों 3, 12, 48, ..., थामहिनबा, 4 नि 3 गुन गोहो; बे फारिखौ फारिलाइ 1 आव दिन्थिनाय जायाखै।.)

नाजा।
बेयो

सुंद' फोरमायथि

- सानखान्धिखौ दाथायफोरनि नागिरनाय आरो बैफोर दाथायफोरा मानो दं बेनि बेखेवथिनि थाखाय नायनो हागौ।
- सानखान्धियाव जानाय बयनिखुइबो गुदि दाथायफोरनि गेजेराव बेफोर जाबाय अनजिमा फारिफोर।
- अनजिमा फारिफोरनि माखासे गोनांथार बिदिन्धिफोरा जाबाय साननाय अनजिमा, विषम अनजिमा, सम अनजिमा, बर्ग अनजिमा, थामख'नायारि अनजिमा, घनक अनजिमा, विराहांका अनजिमा आरो 2 नि गोहोफोर।
- माब्लाबा माब्लाबा अनजिमानि फारिफोरा समायना आरो मख'जाथाव लामाजों गावजों गाव सोमोन्दो लाखिनो हागौ। बिदिन्धि महरै, 1 जों जागायजेन्नाय बेजरा अनजिमानि फारिखौ दाजाबदेरनाया बर्ग अनजिमा होयो।
- सावगारिफोरखौ बाहायनानै अनजिमा फारिफोरखौ नुनाया फारिफोर आरो बिसोरनि गेजेरनि सोमोन्दोफोरखौ बुजिनायाव मदद होनो हागौ।
- महरनि फारिफोर सानखान्धियाव गुबुन मोनसे गुदि रोखोमनि दाथाय। महरनि फारिफोरनि माखासे गोनांथार बिदिन्धिफोरा जाबाय सरासनसा गोथों आखान्धि दब्लाय, आबुं ग्राफ, स्टेक खालामजानाय थामख'नायारि आरो बर्ग आरो क'च स्रफ्लेक लिरस्लायनाय। महरनि फारिफोराबो अनजिमा सिकुयेन्सफोरजों गोबां गोसो बोनो हानाय सोमोन्दोफोर दिन्थियो।